

族譜序

天地絪緼化醇萬物所謂氣化祖而父父而子子而孫所謂形化自氣化而至于今日自形化而至于吾身其有所自出可知已苟不有所自出身且不有是以祖不可不尊也由父子而有兄弟由兄弟而有後屬曰宗族宗族雖疎遠自祖先觀之均是一人之分是以宗族不可不敬也其管攝天下人心莫如族譜者此乎吾羅州之羅出虞時伯益之後周時封於羅因姓焉宋時自豫章東渡居船艤船艤屬於羅州因貴焉本華族故或曰唐羅但羅麗之世東邦草創人文未闡而譜法無聞其年代遠近事蹟之多少不無祀宋矣逮列朝相承文明之治迫出百王教中外必以正倫理厚風俗為先務景宗辛丑吾先父老始修譜焉斷自高麗上將軍公為始祖上下千百載之間子孫之布在邦域者不可謂不多而宛如親承祖先之命於同堂孝悌之心安得不油然而生乎且名卿巨儒偉勲盛蹟史不絕書

一開卷而瞭然在目使後人知有所興起風俗安得不厚乎自是以來繼而修之者或派而分之或合而同之凡五回于茲矣噫世且降而俗益渝人將不知其所自出而幾於禽獸則今此之役不得不汲汲也顧余淺薄謬被衆推使之總裁此事既辭不獲則危懼之心轉增一層乃復于諸宗曰凡譜有規模節目其大者則因前人成法守而勿失其細者則或因時而出入之猶可免夫抑有一大關事此而不明餘無足道何者羅州之羅又有一種曰土羅首露王之後羅聘禮居羅州之居平故亦貫羅州姓貫雖同本源相異故歷世相婚而不嫌近者彼羅有亂者妄作總譜謬辱我先祖散布國中連及于吾宗之愚昧者吾家今日事莫如先燒總譜以討其罪更喻愚昧諸宗以反其本然後始可言尊祖而收宗族也僉曰唯唯亦可弁于卷以

警來裔云

著雍攝提格清節後孫

燾珍謹序

族譜序

譜譜同族所以講祖先之所自出明子孫之所由分也族之有譜猶國之有史無史治亂與亡無以法於後世無譜宗支昭穆無以別於來裔君子以爲宗法與治法相左右者此也族譜之義豈不謹嚴乎斯譜也譜吾羅州氏作東國之羅有二源我羅州氏祝融之后封於周并於楚徙於豫章渡於東而居於羅吾鼻祖高麗監門衛上將軍也積德累仁其麗不億豐功偉烈卓行邃學史不絕書蓋發源深而達枝遠也又有錦城氏以駕洛國首露王之裔因爲羅氏始祖曰聰禮兩氏之姓同貫同源異不待強辨而已悉於兩家譜矣各譜其譜互相婚娶去庚午錦城氏有無賴數輩統括全鮮羅氏作烏總譜以我上將公系於聰禮之下使羅氏一而不二既無的證妄舉甚矣始祖二而不一則奚獨辱於吾羅問其罪於彼長老則謝曰自知其罪當速改正云者因循又四五年矣甲戌秋宗議復發咸曰與其空言

聲討孰若修正吾譜使遠方宗族各尋本源於是聲氣相應越明年丙子冬大開宗會紕於財不能廣搜只依丁巳之三派大同之難固如是耶夫譜所以講先裕後人皆知敬祖敦族若無譜安知其族不族乎程子曰收宗族明譜系以管攝天下人心旨哉祖之有孫孫之有族如水之千派萬流探其始則一源也木之千枝萬葉推其本則一根也吾宗之散處者雖盛衰賢愚之不均究其先則一祖也凡有秉彝者孝悌之心安得不油然而生乎苟使吾宗深體先祖視一之義人人親其親長其長恩愛自篤誠敬自發推而至於一鄉一國則其於補世教厚民俗不能無助程夫子豈欺余哉曷我同宗各自勉勵

昭和戊寅五月  
日後孫錫信謹序

族譜序

羅東方鉅族之一而高麗上將軍公吾臯祖也歷麗迄朝碩輔賢佐之扶危定傾塞蹕諫諍之秉直輸忠隱逸高蹈之劬經飭躬或賡侑鄉祠者相望於前其麗不億而溯流而求源自葉而尋根則乃上將軍公裔也譬如泰山高嶽萃乎高大金峩剪芳峩律磅礴根據於中州蔓延於垠高者為謬深者為嵌或屈曲而為磴峻或低長而為巍屹重重立立有拱揖擁護之勢者兒孫也猗歟休哉然自辛丑譜後至丙子凡五十四則族愈繁而譜愈增秉筆者不能無勵精致力於註錄之例而殘牒爛簡增衍附益使郭崇韜冒稱汾陽者有之是修乘之通患也而錦羅則系出首露王之后亦居羅州源雖異姓貫相同矣不料近者彼輩以吾上將軍公系於彼羅之聰禮后謬辱我先祖世豈有如是之事乎郭崇韜則姓同故或有冒稱而錦羅則本出身露之后而稱以羅氏者乎今董其事者皆海內譽髦劬躬飭操

之士也俱知其事由而嚴斥之則豈有更煩淪沒之舉哉凡序其譜者類多勉以孝悌睦姻之行語相襲而吾故以吾祖名德之盛而次及後承之修飭勗念者其意有在矣昔周公之戒蔡仲也曰寧乃祖文王之攸訓又曰文王我師也吾羅所師法者吾祖名德也惟願僉君子觀於譜而各攸天爵則人爵不求而自至矣盍亦勉諸盍亦勉諸

彊圉赤奮若夷則既生魄後孫壇植謹序

族譜序

諸始事有同人而難之曰今譜譜大宗乎若前譜而已丁巳譜去不遠矣續修奚以余應之曰然所謂大宗五派宗也粵繇辛丑始譜續印非止一再迄未能一統者豈先長老嘉猷未盡蓋事鉅而力不贍也然則此為今姑未必至如譜事日月不可以近久論也竊惟有姓而譜所以尊祖明系分宗支次昭穆一親疎攸久遠此張程夫子管攝人心忠義立焉之訓歐蘇氏傳家忠孝至於塗人之說章章然明矣嗚呼若此理不講其於祖姓等木待問之不知於至親視泰瘠之無心者有矣甚者易祖移本亂宗圮族鬼怪眩幻使人莫知其所從者亦不無近於吾宗有以證諸矣蓋東土之羅之姓其出有二氏羅州者皆祖高麗上將軍公諱富世傳公自中國來有籍錦城者是駕洛王後聰禮後也錦羅之地屢經沿革地一而名二因以互舉然兩羅之族原其所自有如魯姬齊姜之別矣是以後世至有附遠之親

此皆前後譜昭載者噫降及末流人心無賴宗法不明在去庚午有亂家者出於錦城氏稱以兩家元無異同詬謗吾宗之散居愚駢者為言同譜以充其私事覺舉宗有聲討姑息然事不早圖有野火燒不盡之患而防微其功寔在於謹譜係正宗體而已且丁巳以來居諸十餘載生斯葬斯配墓生卒譜不書者多矣是之為懼論議一發金舒羅意致相符事雖不偕主其事者鴻淳與燾琪甫而漢集之斗胥亦不得辭其責也於是將新剗刷廣其耳目使各知其所以然庶乎其孝悌興敦睦厚歷世瞭然能不為塗說者誤矣是譜也烏乎其不可哉問者蹙然曰吾嘗未之聞也吾宗事乃至此耶君其亟圖焉余敬次其語以重譜事

昭和丁丑臨月哉生魄後孫漢集謹敘

舊序 辛丑

吾先代土於羅而顯於世尚矣德厚而慶也遠於麗蓋縣縣抵聖代始昌七世祖直長府君育五男皆科其後屬蓋將半一邑矣不幸兵燹也譜不傳昔我族曾祖正郎宜素公輯見聞略以為錄猶恨其久詳而且後者無與焉近再從叔斗久甫有慨於是考碑碣諭宗族以不肖散而閑俾述其事閱兩歲今始斷手其無徵者仍舊餘皆以碑為正補入字某室某年某甲墓某原庶有裨於後考既披帙而歎曰蘇明允之言曰服盡則情盡情盡則喜不慶憂不吊曰一人之身分而至於路人者勢也勢吾無如之何也吾嘗好其文而薄其為人以為孔門之徒且以海內皆兄弟况自一人而分之者耶分而遠雖百千代自祖先視之則均是子孫果可與路人等耶苟自父而祖自祖而曾推而至於先代又傍推而及於其裔則一氣之感必有自不能已者彼相視如路人無他不推焉已矣其敢曰勢而付之無如之何

耶吾欲斥其失推矣顧恨無文力以勝之今於宗譜之成不能無感焉吾雲仍分派世不滿九有能學公藝宜不離一室之内其肯為明允之路之耶雖然我之不路而人路焉一之不路而十路焉不欲路得乎吾懼明允氏之將有以反我也悲夫覽我譜者能以推為心則幸矣仍識之巔要自警爾

肅宗癸亥五月上浣後孫通德郎前行成均館學諭晚成謹序

舊序 辛丑

惟我羅氏祖於上將軍府君積德累仁為湖之望族逮至麗季始  
歧而為金堤羅州派各傳十三四世於今又三百有餘年矣不幸譜  
牒逸而無徵雖有後來所記者而猶未免草略焉頃在黑楮之歲斗  
冬與再從姪故持平晚成議之遂博訪于州之諸族因舊譜而增潤  
之第金堤派遠在未及合成一譜常以是病之乃令金堤諸族亦加  
蒐輯修送草譜而又自金堤而分派者散在於湖西之忠州清州畿  
甸之利川高陽通津等地於是乎馳書而收聚之修正繕寫分為上  
下兩冊子而世代之次序派流之近遠昭昭然皆在目中豈非吾門  
之幸也耶嘗聞程子之言曰管攝天下人心收宗族厚風俗須是明  
譜系元我諸族倘能尊祖敬宗敦敘九族以之興孝悌篤恩誼則今  
此譜牒之成未必無小補矣但念轉頭之間人事倏變持平已作古  
人未克相斯役而獨其弁首之文至今可徵每一開卷不能無存亡

之威也。今於訖功之日，略敘廟宋如右爾。  
唐宗癸未春正月甲子後孫生貞斗全敬題

舊序壬辰

有譜也所以詳吾出重宗統推仁愛懋敦睦之道而必修而正之於族黨會和之日欲其廣求書籍考訂註錄以無派流混淆世代潰戾之患也有譜之前吾不知已蓋自辛丑修譜迄于茲百十有二年四五世未述之事也徃在黃龍之歲從兄學天氏與族姪吳甫收議草譜不幸未了然志則盛矣功亦多矣於今二十有四載門議更發合而為一以修宗譜則周公之制重宗統懋敦睦百世而不廢也程子之言管攝天下人心收宗族厚風俗復明於今日矣惟我宗族敬尊祖宗敷敘九族以行孝悌以守恩誼無忝吾所自出焉爰因舊譜之規金堤公州羅州之派間帙轉書而孝忠義烈之官腳旌褒實錄多在舊譜之後追改而增潤之世代幾生甲某享年幾室某氏墓某原隨系收載間有詳略之不同非但當時見聞之未遠多仍各派草單之闕漏跨有二冬乃成一譜簡帙繁多分為七卷是譜也譜吾羅

卷之二十一

氏之族也於吾身雖有親疎自祖先視之均是子弟以孝悌之道敷  
睦之誼起而勉焉而以嫁來齊云爾

純祖壬辰春正月全寅後孫憲天謹書

舊序壬辰

族以譜名普合宗族之言也譜之為義深且著矣凡物有本末事有終始人之有道也有祖則必有孫有孫則必有族有族則必有譜祖而有孫猶物之有本末也族而有譜猶事之有終始也蓋世之譜其族尚矣始以明祖先之所自出系以知子孫之所由生以之枚宗族篤恩愛陳世德徵文獻此有家之所以有譜也書著協和時雍之治而曰以親九族九族既睦然則族不可不親也禮云先祖有差而不知不明也知而不傳不仁也然則譜不可不明也於戲我始祖高麗上將軍府君積德累仁開我後人其發源深矣達枝遠矣有如八卦祖於太極萬殊本於一元自我一人之分而至於繁縝而至於遠遠而至於疎雖曰遠矣而有至近者存焉雖曰疎矣而有至親者存焉是以聖人亦不得已制為禮法服雖可盡而情不可盡其不可盡者不可與可盡者同盡則凡我諸族其必曰尊祖敬宗尚忠孝興禮

讓而已我伯祖父故繕工奉事希音齋公嘗惓惓於修譜蒐輯吾一派巾笥中藏弃久矣余承面命識見謾寡積年逡巡未克紹述幸茲宗議齊發聲氣相應為吾羅之羅既出於一本元不可分離第辛丑之譜略而古矣丁卯之譜偏而單矣世代寔遠文獻漸闕有先於譜而未盡詳載者有後於譜而未及枚錄者余以是慨焉於是乎馳書遠近廣開譜路勤搜博訪補缺證訛以無一派之未盡於全譜詳記其世德諱號生卒官鄉配匹子孫及邱墓所在傳狀碑誌又因而并附焉上而百世之祖下而九族之親一開卷而瞭然於目孝悌之心油然而生敦睦之誼善然而發然則族譜之義於輔世教厚民俗未必無小補矣昔王元義序譜曰賢者以其微顯不賢者以其顯微賢者能貴其姓非以姓貴我上將公雲仍蕃衍燁赫布濩東陸世襲忠孝或顯而揚名或隱而韞德間有聞人久而不替至今推之為文獻之姓若我後承誠能襲先人之訓趾先人之美則不失其貴姓不

患其微顯而繼自今有以茂才異行名於世者多出於吾族則其效  
也不必不自吾譜始也苟視文具而不念其本則何求乎教族何益  
乎鋟梓嗚呼諸宗君子曷哉無怠

癸巳二月丁未後孫喜厚謹序

舊序丁巳

親九族史之所以贊堯離九族諸之所以戒湯也夫以大堯之神聖而贊莫先於親族且以成湯之聖敬而戒猶存於離族則五典之敘九經之治豈不本乎親親而推施哉蓋自生民肇判有父子而後有兄弟推而至於功繼祖免以及千百世之悠久千萬人之蕃昌而未嘗不自吾祖先一人身而令焉則序其昭穆明其尊系以為不忘本底道孟子所謂人人親其親長其長而天下平者也程子所謂管攝天下人心莫如收宗族者也朱子所謂譜系明然後孝悌之心油然而生也凡世代之遠近氏族之親疎近之則不遠親之則無疎者然矣文獻未徵之前不可得以言也既徵之後則不得不以講明焉此吾姓譜之所由作也然譜之作始於景宗辛丑再於純祖壬辰矣往自庚戌春大同修譜之議復作各道諸宗響應及其論議之際或有譏貳未克遂焉惟以金公羅三派依舊合同是第三回同譜也

羅州羅氏族譜序

事巨力縵不能以忽卒告功延拖七年今日始完同此譜者入孝出  
恭盡誠克敬母忘一本書以百忍則九世同居非專美於曲江之張  
百口同爨奚獨盛於江州之陳此皆在於具彝性者之所自反不必  
陳腐贅疣而第所信告者書曰作德心逸日休作偽心勞日拙勉之  
以日休之德戒之以勞拙之偽莫犯於志自滿之科而共致於咸和  
睦之域則豈非講吾族明吾譜之大義歟嘆嗟而書之如右

丁巳至月下旬後孫亮集謹書

舊序丁巳

人而有身則必有祖有祖則必有族此天倫之常而譜之所以作也  
古之譜其族者止於四世後世譜法漸廣固有遠通咸編一譜或以  
汗漫病焉余以為興孝悌務敦睦不外乎此矣與有文略不愈於大  
同乎竊惟吾譜始於 景宗辛丑不可謂不久自 上將公以下逐  
派編錄不可謂不廣猶不能無詳略其後丁卯之派譜壬辰之大同  
莫非克念克誠於證訛掇遺而距今八十年于茲矣間又派譜之修  
潤猶有所未盡此誠吾羅氏修譜之不可以久曠而亦不可不廣且  
詳也徃在辛亥大同修譜之議始發於是畿之内外閩之東西散居  
諸宗一辭咸應明年合單而議相矛盾不遑經始越五年丙辰冬咸  
與謀曰金公羅三派自辛丑所同而今因關西之宗不可廢吾大同  
乃續三修原之於辛丑以立其本正之於丁卯以大其規卷之於壬  
辰以致其詳凡例以綱之辨疑以正之繕古以證之增單而廣之於

是乎姓原之源益著而宗支之別復明矣閱一周年乃告厥工嗚呼  
子夏曰四海兄弟老蘇曰服盡路人以兄弟視之以路人可乎以路  
人視之以兄弟可乎兄弟情也路人勢也情者在我勢者在彼以在我  
者推之則一姓之內無往而不兄弟也以在彼者推之則數代之  
下無往而不路人也各自反求而已同吾譜者請擇於斯二者

歲在丁巳復月下浣後孫東鉉謹序

丁巳譜序 序既漏落 故今為追入

夫族也者姓貴所同謂乃兄乃弟曰叔曰姪之稱也譜也者世系所載謂群昭群穆為宗為支之別也惟我羅氏東渡以來居於羅而仍貴焉以高麗監門衛上將軍公諱富為鼻祖積德餘蔭子孫蕃衍布列京鄉為東土之望族矣蓋自分派以來修譜凡四而合之者二分之者二也先世闡揚之功中葉興替之祚不可枚陳厥若孝悌忠烈卓行高節文武將相金門王署暨夫隱逸之操南蔭之資享院俎豆綽楔旌閨狀錄碣銘至於葭莩之延胤葛之蔓諸家名碩之文本裔趾武之蹟昭載史乘而尚有古矣竊想前譜時或以涯角之居而落漏焉者或以齠齔之年而不入焉者必不能無慨然於是也且今世代寢遠苗裔漸蕃未及於譜者尚多故曾於綰鎮與基仲氏俱有志於修整謀於衆族則甲邊猶可而乙邊不可乙邊猶可而甲邊不可可否未定而二長老遽歸道山轉眄之間奄經八九年矣至於今春

議無携貳事有歸一幸設五度三合之舉都任與校讎書霄勤勞掌  
貨及監印誠意彌篤從事謹勉至于訖功規模備具條理貫通乃兄  
乃弟曰叔曰姪之序群昭群穆為宗為支之別開卷瞭然譬如北辰  
居躔萬星拱之東海為宗百川歸之千峯繚迴莫非崑崙餘脉百官  
羅列盡是天子職分春秋謹嚴之法茲在於中綱目舉張之理昭著  
於外苟能叅入於斯譜者孰無觀感而興善乎孝悌之心油然而生  
敦睦之風粹然而起義生於所養范老別有一庄忍書于同居張公  
永傳九世墳墓同和聞周人親愛之譽花樹交深見韋公盛會之像  
養親戚於蘭陵疏廣以終乎餘日宴羣季於桃園太白自詠于春夜  
噫曰吾同譜之僉宗欽感前賢之懿訓溯源究源探根尋枝以其百  
代之親母至路人之親而雖處踈遠之地情無踈遠或在親近之里  
心益親近則庶幾有九族既睦之化矣將登剖劂族叔東鉉昌植氏  
賢勞有多余不俟猥叅始終而不可無一言也且念程氏譜程子序

之蘇氏譜自蘇老序之則今吾譜成焉不可無序可  
用

丁巳孟夏上漸後孫繼祖氏謹述

羅州羅氏族譜卷之二

始祖諱富

高麗正議

後一世  
二世

譁得丸

子仲允  
金匱正

子松奇  
令正

三世

子守永  
進士

四  
廿

子子  
桂位

子  
碩

錦閣君旅

子  
哲

延安君派

子源

真長公派

右十易譜吾羅氏族也蓋人之最靈於物者以其有倫綱一言而蔽之曰譜者倫綱之指南也何者君臣父子夫婦兄弟朋友是為五倫譜者內焉而自祖宗以來父子兄弟生卒配墓詳載外焉而忠君愛國淵源私淑略記欲講人道捨譜焉求先賢所謂收宗族厚風俗者良由此也竊惟文獻以前吾不得以詳自一景宗辛丑始譜以來先行長老傳疑傳信無不詳悉已成斷案近因錦城氏之謬辱自貫鄉譜議先發初擬總合八域為大同譜先布聲討總譜文於海內僉宗屢開宗會終以事巨力綿只依丁巳譜之三派大同再轉以下又自羅州分立名實相戾事難盡美類皆如是且發議之初族弟壩植擔芬斯事庶幾順成未半塗而遽歸道山同其始未能共其終甚可恨也印役垂訖宗中僉彥以余年老請置一言吾昏既不得同相是役則一言之托名何敢承當特感僉宗繼述篤力從以賀吾門之有人

卷之三

七言律詩

七言律詩

七言律詩

七言律詩

七言律詩

七言律詩

七言律詩

賀  
喜  
千  
秋  
不  
老  
酒  
香  
滿  
堂

